

## Član 5.

U "Službenom glasniku Kantona" objavljuju se:

1. Zakoni, drugi propisi, opći i drugi akti, koje donosi Skupština Kantona, predsjednik Kantona, Vlada Kantona, ombudsmen, sudovi Kantona, kao i akti o ratifikaciji međunarodnih ugovora s tekstom tih ugovora kad ih zaključuje Kanton u skladu s ustavom Federacije i Kantona.

U "Službenom glasniku Kantona" objavljuju se i drugi akti organa iz prethodnog stava, ako je to u tim aktima određeno.

2. Propisi i drugi akti koji imaju karakter općih akata preduzeća, ustanova i drugih pravnih lica, ako je zakonom ili propisom Vlade Kantona, kojima se određuje odgovarajuća oblast određeno da se ti akti objavljuju u "Službenom glasniku Kantona".

3. Oglasi, objave, dražbe, registracije, amortizacije i druge vrste objava ako je to određeno zakonom ili propisom Vlade Kantona, ili odlukom suda ili drugog nadležnog organa.

Zakoni, drugi propisi, opći i drugi akti iz tačke 1. prethodnog stava, objavljuju se u "Službenom glasniku Kantona" u tekstu koji je utvrdio organ koji je donio taj propis, odnosno opći akt.

U "Službenom glasniku Kantona" mogu se objavljivati i propisi koji donose organi općine, ako to odluči nadležni organ općine.

## Član 6.

Sekretar Vlade Kantona stara se o objavljivanju zakona, drugih propisa, općih i drugih akata iz člana 5. ovog Zakona u "Službenom glasniku Unsko-Sanskog Kantona".

"Službeni glasnik Unsko-Sanskog Kantona" izlazi po potrebi u skladu s zahtjevom sekretara Vlade Kantona.

Sekretar Vlade Kantona dostavlja izdavaču "Službenog glasnika Unsko-Sanskog Kantona" spisak zakona, drugih propisa, općih i drugih akata s izvornim tekstovima tih propisa i akata radi objavljivanja u "Službenom glasniku Unsko-Sanskog Kantona".

## Član 7.

Izdavač "Službenog glasnika Kantona" je Vlada Kantona.

Izdavač je dužan osigurati da se, prije objavljivanja zakona, drugih propisa, općih i drugih akata, kao i podaci u vezi s tim propisima, odnosno aktima, čuvaju kao službena tajna.

## Član 8.

"Službeni glasnik Kantona" izdaje lice s kojim Vlada Kantona zaključuje ugovor o štamparskim i izdavačkim uslugama.

## Član 9.

Dok se ne usvoji grb Kantona, naslovna strana "Službenog glasnika Unsko-Sanskog Kantona" bit će bez grba.

## Član 10.

Ovaj Zakon stupa na snagu danom objavljivanja u "Službenom listu Unsko-Sanskog Kantona."

Broj: 01-1-32/97.  
24. aprila 1997.godine  
Bihać

Predsjedavajući Skupštine  
Unsko-Sanskog Kantona  
**Adem Borić, s.r.**

## 39

Na osnovi člana 5 (1) C. odjeljak B poglavlja V. Ustava Unsko-Sanskog Kantona, donosim

## ODLUKU

**O PROGLAŠENJU ZAKONA O IZMJENAMA I  
DOPUNAMA ZAKONA O PEČATU  
UNSKO-SANSKOG KANTONA**

Proглашава se Zakon o izmjenama i dopunama Zakona o pečatu Unsko-Sanskog Kantona, koji je donijela Skupština Unsko-Sanskog Kantona na sjednici održanoj 24. aprila 1997.godine.

Broj: 02-1-45/97  
28. aprila 1997.godine  
Bihać

Predsjednik  
Unsko-Sanskog Kantona  
**Mr.Mirsad Veladžić, s.r.**

Na osnovi člana 10. b. poglavlja V. odjeljak A, Ustava Unsko-Sanskog Kantona, Skupština Unsko-Sanskog Kantona na prijedlog Vlade Unsko-Sanskog Kantona, na sjednici održanoj 24.4.1997.godine, donijela je

## ZAKON

**O IZMJENAMA I DOPUNAMA ZAKONA O PEČATU  
UNSKO-SANSKOG KANTONA**

## Član 1.

U Zakonu o pečatu Unsko-Sanskog Kantona ("Službeni list Unsko-Sanskog Kantona", broj 1/95) u članu 4. stav 1. riječ "Republika" briše se.

Stav 3. mijenja se i glasi:

"U sredini pečata nalazi se grb Unsko-Sanskog Kantona".

Iza stava 3. dodaje se stav 4, koji glasi:

"Do utvrđivanja grba Unsko-Sanskog Kantona sredina pečata bit će bez grba."

## Član 2.

U članu 6. stav 3. umjesto broja "30" stavlja se broj "20".

## Član 3.

Ovaj Zakon stupa na snagu danom objavljivanja u "Službenom listu Unsko-Sanskog Kantona".

Broj: 01-1-33/97  
24. aprila 1997.godine  
Bihać

Predsjedavajući Skupštine  
Unsko-Sanskog Kantona  
**Adem Borić, s.r.**

## 40

Na osnovi člana 10. odjeljak A. poglavlje V. Ustava Unsko-Sanskog Kantona, Skupština Unsko-Sanskog Kantona na prijedlog Vlade Unsko-Sanskog Kantona, na sjednici održanoj dana 24.4.1997.godine, donijela je

## BUDŽET

**UNSKO-SANSKOG KANTONA ZA 1997.GODINU**

## I - OPĆI DIO

## Član 1.

Budžet Unsko-Sanskog Kantona za 1997. godinu (u daljem tekstu: Budžet) sastoji se od: